



01295

欽定續通典卷五十三

禮

功臣配享

唐五代宋遼金元明

唐元宗時定開元禮禘祫以功臣配享

按貞觀禮禘及時享功臣皆不

配享馬氏通考以禘祭配享為非舊典則亦以貞觀禮為當矣

配位在各帝廟庭太階

之東少南西面以北為上

後唐明宗長興二年詔以故昭義節度使李嗣昭故幽

州節度使周德威故汴州節度使符存審配享莊宗廟

庭

欽定續通典

卷五十三

一

宋初禘祫皆以功臣配享有司先事設幄次布褥位於

廟庭東門內道南當所配室西向設位版籩豆各二簠

簋俎各一知廟卿奠爵再拜神宗熙寧末詔太常禮院

講求親祠太廟不及功臣禮例元豐三年詳定所言謹

按書盤庚曰茲予大享於先王爾祖其從與享之周禮

司勳凡有功者祭於大烝然則書之所謂大享即禮之

所為大烝也烝冬祭也謂之大者物成衆多之時其祭

比三時為大也方是時百物皆報焉祭有功宜矣禮記

祭統衛孔悝鼎銘曰勤大命施於烝彝鼎後世烝祭不

及功臣既不合禮而禘祫及之事不經見梁初誤禘功臣何佟之以爲夏物未成而禘功臣爲非典禮唐韋挺亦云今禘祫以功臣配享而冬烝不及與經不合蓋因仍之誤也伏請每遇冬烝以功臣配享其禘祫配享罷之詔凡冬享禘祫及親祠功臣並配享又從太常禮院請配享功臣以見贈官書版位孝宗乾道五年九月太常少卿林栗等言欽宗皇帝廟庭尚虛配享當時遭值艱難淪胥莫救罕可稱述而以身殉國名節暴著不無其人雖生前官品不應配享之科事變非常難拘定制

欽定續通典

卷五十三

二

乞特詔集議吏部尚書汪應辰奏當時死事之臣皆有次第褒贈若今配享欽廟典故所無如創行之又當訪究本末差次輕重有所取舍尤不可輕易竊謂配享功臣若依唐制各廟既無其人則當缺之迺罷集議欽宗廟遂無配享

遼興宗重熙二十一年八月太尉烏哲薨詔配享聖宗

廟

金海陵天德二年二月太廟祫享右司擬上配享功臣

世宗大定八年上命圖功臣於太祖廟右司第祖宗佐

命之臣勲績之大小官資之崇卑以次上開十一年尚書省奏禘祫之儀功臣配廟庭各配所事之廟以位次爲序享日並出神主前廟序列昭穆

元世祖至元三年太廟成丞相安圖巴延言祖宗世數尊諡廟號功臣配享等事皆宜以時定英宗初博士言今冬祭卽烝也天子親裸太室功臣宜配享事弗果行明太祖洪武二年孟春享太廟設青布幃六於太廟庭中內列功臣配位每座籩豆簠簋各二羊豕體各一遣官分獻讀祝三年定配享功臣春夏於仁祖廟西廡秋

欽定續通典

卷五十三

三

冬於德祖廟西廡設位東向遂罷幃次之設更定三獻禮皇帝初獻時獻官卽分詣行禮不拜四年太祖謂中書省臣太廟之祭以功臣配列廡間今旣定太廟合祭禮朕以祖宗俱在使功臣故舊沒者得少依神靈以同享祀不獨朝廷宗廟盛典亦以寓朕不忘功臣之心於是禮官議凡合祭時爲黃布幄殿中祖考神位旁設兩壁以享親王及功臣令大臣分獻制可已而命去布幄惠帝建文時禮部侍郎宋禮言功臣自有鷄籠山廟請罷太廟配享帝以先帝所定不從且令候太廟享畢別

遣官卽其廟祭之世宗嘉靖二十四年進諸配位於新太廟西壁罷分獻神宗萬曆十四年太常卿裴應章言

廟中列后在上異姓之臣禮當別嫌且至尊拜俯於下

諸臣之靈亦必不安命改復西廡遣官分獻按明世惟太祖成祖

廟有配享功臣餘皆無之又二祖配享之臣半皆武臣

惟劉基姚廣孝為文臣後廣孝以僧故移祀大興隆寺

文臣配享惟基一人而已嘉靖時禮官夏言奏禮有功

宗之祀漢祭功臣於廟庭魏祀尚書令荀攸於太祖廟

唐高祖至憲宗廟或七八人或三四人宋太祖至光宗

亦然如魏徵李沆司馬光皆文臣不必皆武功也守成

諸君亦各有與享者不必皆創業也我朝二祖開國靖

難固有功臣仁宗以後無事武功其間相與輔贊治平

豈無有魏徵李沆輩者今侑享二祖十七人惟基廣孝

二人文臣耳自後六廟缺焉無聞乞下廷議考求六朝

欽定續通典

卷五十三

文武大臣有功在當時澤在後世者請上裁定進侑廟庭其言頗為平允而帝弗之察惜哉

天子七祀

宋金元明

宋制七祀春祀司命及戶夏祀竈季夏祀中霤秋祀門及厲冬祀行為小祀用羊一豕一不飲福神宗熙寧八

年詔寘太廟司命戶竈中霤門厲行七祀版位元豐三

年太常禮院請禘享徧祭七祀詔從之四年詳定郊廟

奉祀所請立春祭戶於廟室戶外之西祭司命於廟門

之西制脾於俎立夏祭竈於廟門之東制肺於俎季夏

土王日祭中霤於廟庭之中制心於俎立秋祭門及厲

於廟門外之西爲屏於俎立冬祭行於廟門外之西制
賢於俎皆用特牲更不隨時享分祭有司攝事以太廟
令攝禮官服必元冕獻必薦熟親祀及臘享卽依舊禮
徧祭從之徽宗致和時議禮局上五禮新儀太廟七祀
四時分祭如元豐儀臘享祫享則徧祭設位於殿下橫
街之北道東西向北上

金七祀隨時享春戶司命夏竈中霤秋門厲冬行鋪設
祭器入實酒饌俟終獻將升獻獻官行禮並讀祝文章

宗承安四年六月祭中霤

按金史禮志時享條下云設
七祀司命戶二位不言春祭

欽定續通典

卷五十三

五

後載夏竈中霤秋門厲冬行而不及
春祀史文脫漏今依前後改訂輯入

元制七祀神位附祭於廟庭中街之東西向其分爲四
時之祭並與宋同唯中霤則附於七月之祭特祭則徧
設之每位籩豆各二簠簋各一尊二俎二

明太祖洪武二年尚書崔亮奏周官天子五祀曰門曰
戶人之所出中霤人之所居竈與井人之所養故杜佑
曰天子諸侯必立五祀所以報德也今擬周官五祀止
於歲終臘享通祀於廟門外從之八年禮部奏五祀之
禮周漢唐宋不一今擬孟春祀戶設壇皇宮門左司門

主之孟夏祀竈設壇御厨光祿寺官主之季夏祀中霤
設壇乾清宮丹墀內官主之孟秋祀門設壇午門左司
門主之孟冬祀井設壇宮內大庖井前光祿寺官主之
四孟以有事太廟日季夏以土王日牲用少牢制可後
定中霤於奉天殿外文樓前又歲暮合祭五祀於太廟
西廡下太常寺官行禮成祖永樂間改定四孟祭戶竈
門井於四立日中霤於季夏土王後戊日皆遣內臣祭
各少牢一歲暮太常少卿合祀於太廟丹墀西東向用
少牢五按明祭五祀而不及行厲洪武三年定制京都
別設秦厲壇於元武湖中歲以清明及十月朔

欽定續通典

卷五十三

六

日遣官致祭前期七日檄京都城隍屆期設城隍位於
壇上無祀鬼神位於壇下之東西羊三豕三飯米三石
其各府州縣並設壇於城北一年二祭如京師後定郡
邑厲鄉厲每歲以清明七月十五日十月朔日凡二祭
此做祭法秦厲國厲族厲而
變通之亦合於五祀者也

喪廢祭議

宋

元明

宋高宗紹興七年帝祀明堂於建康時有徽宗之喪先
是太常少卿吳表臣乞於大祀前二日朝獻景靈宮前
一日朝享太廟及是援熙寧元年故事謂是時英宗喪
未除不廢景靈宮太廟之禮請如故事翰林學士朱震
以爲不然謂王制喪三年不祭唯天地社稷得越緋行

事監察御史趙渙言升祔以後宗廟常祭皆不當廢而當喪享廟亦有顯據左氏傳曰烝嘗禘於廟曾子問曰已葬而祭此不當廢也詩頌成王卽位諸侯來助祭春秋文公四年十一月成風薨六年十月猶朝于廟此顯據也疏奏詔侍從臺諫議吏部尚書孫近等言謹案春秋三十三年傳凡君薨卒哭而祔祔而作主特祀於寢烝嘗禘於廟杜預謂新主旣特祀於寢則宗廟四時常祀自當如舊又案景德三年明德皇后之喪改易而服除眞宗遂享太廟合祭天地於圓丘熙寧元年神宗居

欽定續通典

卷五十三

七

諒闇復用景德故事躬行郊廟之禮則是攷古及今居喪得見宗廟將來明堂大禮已在以日易月服除之後前一日皇帝合詣太廟朝享從之禮部太常寺言將來明堂大禮依已降旨前一日朝享太廟檢點景德熙豐南郊故事皆在諒闇之中當時親行郊禮除郊廟景靈宮合用樂外所有鹵簿鼓吹及樓前官架諸軍音樂皆備而不作其逐處巡警場止鳴金鈺鼓角而已今臣僚欲議罷宗祀奏樂受胙故事卽無去奏樂受胙之文兼祖宗故事三載大饗明堂蓋亦爲民祈福奏樂受胙

依祖宗累朝已行故事從之
元英宗至治二年八月太皇太后崩太常院官奏國哀
以日易月旬有二日外乃舉祀事有司以十月戊辰有
事於太廟取聖裁制曰太廟禮不可廢迎香去樂可也
明穆宗隆慶元年孟夏時享以世宗几筵未撤遵正德
元年例先一日帝常服祭告几筵祇請諸廟享祀其後
時享祫祭在大祥內者皆如之

祭遷日及攝事議

劉宋

宋

臣等謹按杜佑通典天子七祀下載雜議數條以

欽定續通典

卷五十三

八

資議禮者之考鏡其間如庶子攝祭等皆後代所
無或從續輯或有附見他處者如兄弟不合繼位
昭穆議見之天子宗廟門內不必更為纂集今仿
其大畧補所未備如此條遷日攝事亦足為一朝
典故其他體例有量為變通者大率類此云

宋世祖大明三年十一月有司奏四時廟祀吉日已定
遇雨及舉哀舊停親奉以有司行事乞下禮官博議於
禮得遷日與否博士江長議禮記祭統君之祭也有故
則使人而君不失其儀鄭元云君雖不親祭禮無闕君

德不損愚以爲有故則必使人者明無遷移之文苟有司充事謂不宜改曰太常丞陸澄議案周禮宗伯之職若王不與祭祀則攝位鄭元曰王有故行其祭事也臣以爲此謂在致齋祭祀盡備神不可瀆齋不可久而王有他故則使有司攝焉晉太始七年四月世祖將親祠於太廟庚戌車駕夕牲辛亥雨有司行事此雖非人故蓋亦天核也求之古禮未乖周制案禮記孔子答曾子當祭而日蝕太廟火如牲至未殺則廢然則祭非無可廢之道也但權所爲之輕重耳日蝕廟火變之甚者故

乃牲至尙猶可廢推此而降可以理尋今散齋之內未及致齋而有輕哀甚雨日時展事可以延敬不愆義情無傷正典改擇今日唯入致齋及日月暹晚者乃使有司行事耳又前代司空顧和啟南郊車駕已出遇雨宜遷日更郊事見施用郊之與廟其敬可均至日猶遷况散齋耶殿中郎殷淡議曾子問日蝕太廟火牲未殺則廢縱有故則使人清廟敬重郊禋禮大故廟焚日蝕許以可遷輕哀微故事不合改是以鼯鼠食牛改卜非禮晉世祖有可行事顧司空之改郊月旣不見其當時之

宜此不足爲準愚謂日蝕廟火天譴之變迺可遷日至
於舉哀小故不宜改辰衆議不同參議既有理據且晉
氏遷郊宋初遷祠並有成準謂五月散齋之中遇雨及
舉哀宜擇吉更遷無定限數唯入致齋及侵仲月節者
使有可行事詔可

宋哲宗紹聖三年十月帝詣天興諸殿朝獻翼日大雨

詔差已致齋官分獻熙文七殿自是雨雪用爲例云

上陵

拜掃及諸節上食附

唐

五代

宋

遼

唐代宗大曆十四年

時德宗已卽位

禮儀使顏真卿奏元陵請

欽定續通典

卷五十三

十

朔望節祭日薦如故事秦陵惟歲冬至寒食伏臘社一
祭而罷日薦制可憲宗元和二年宰臣建言禮有著定
後世徇一時之慕過於煩弁故陵廟有薦新而節有遣
使請歲太廟以時享朔望上食諸陵以朔望奠親陵以
朝時奠其餘享及忌日告陵皆停穆宗長慶元年吏部
奏公卿拜陵通取尚書省及四品以上清望官中書省
及諸司五品以上清望官及京兆少尹充從之

後唐莊宗同光三年寒食望祭於西郊潞王清泰三年

車駕北幸路當徽陵乃至陵所朝謁

晉高祖天福八年

時出帝即位次年

寒食望祭顯陵

漢高祖乾祐三年

時隱帝即位之三年

寒食望祭於南柳園

周太祖廣順元年三月寒食望祭於蒲池二年三月寒

食望祭於郊顯德元年

時世宗已即位

車駕征太原回拜嵩陵

至陵所哀泣感左右祭奠而退

宋初春秋命宗正卿朝拜安陵太祖乾德三年始令官

人詣陵上冬服歲以爲常開寶九年太祖幸西京過鞏

縣謁安陵奠獻太宗雍熙二年宗正少卿趙安易言昨

朝拜安陵永昌陵有司止設酒脯香以未明行事不設

欽定續通典

卷五十三

七

燭燎又先赴永昌陵後赴安陵及帝后二位不徧拜頗

愆於禮事下有司議曰按開元禮春秋二仲月司徒司

空巡陵不設牲牢之祀今請如宗廟薦享少加減除不

設登鋼牙槃食及太常登歌餘悉如大祠先赴安陵次

永昌陵次孝明孝惠懿德淑德皇后陵真宗景德三年

帝將朝諸陵太常禮院言唐貞觀中太宗朝獻陵至小

次素服乘馬檢會今年正月車駕朝拜明德攢宮止服

素白衣當時皇帝在大祥之內今旣服除望止服淡黃

袍餘如唐制詔特服素白衣四年正月車駕次鞏縣齋

於永安宮素服乘馬至安陵步入司馬門行奠獻禮諸陵亦然又詣下宮凡上宮用牲牢祝冊有司奉事下宮備膳羞內臣執事百官陪位又詣元德太后陵奠獻別於陵西南設幄殿祭如下宮禮畢徧詣孝明等七后陵遂單騎從內臣巡視陵闕辰後暫詣幄次更衣復詣諸陵奉辭有司以朝拜無辭禮帝不忍故復往省視大中祥符四年命禮官定春秋二仲遣官朝陵儀注以祭服行事專差宗正卿一員朝拜三陵別遣官二員分拜諸陵其後添差陵廟行禮官四員選京朝官宗姓者充翰

欽定續通典

卷五十三

七

林學士錢惟演言春秋朝陵載於舊式公卿親往蓋表至恭唐顯慶中始詔三公行事天寶以後亦遣公卿巡謁蓋取朝廷大臣不必須同國姓後叅用太常寺正卿晉開運中亦命禮部侍郎近年以來止遣宗正等官人輕位卑實虧舊制望自今於丞郎諸司三品內遣官闕則差兩省諫舍以上所冀仰副追孝之心以成稽古之美仁宗景祐初滄州觀察使守節言寒食節遣宗室拜陵而十月令內司寶往非所以致恭乃詔宗室正刺史

以上一員朝拜神宗熙寧中詔文臣自兩省武臣閣門

使以上經過陵下並許朝拜又詔臣僚朝拜諸陵除見
任嘗任執政官許進湯餘止奠獻薦新不特拜高宗紹
興三年禮部太常寺言春秋二仲薦獻諸陵乞於行在
法惠寺設位望祭行禮從之

遼制孟冬朔拜陵有司設酒饌於山陵皇帝皇后駕至
多囉倫穆騰奏儀辦閤門使贊皇帝皇后詣位四拜訖
巫贊祝燔胙及時服酌酒薦牲大臣命婦以次燔胙四
拜皇帝皇后率羣臣命婦循諸陵各三匝還官

金海陵天德四年正月朝謁世祖太祖太宗德宗陵世

欽定續通典

卷五十三

三

宗大定二年正月如大房山享獻山陵三年十二月臘
獵於近郊以所獲薦山陵奉以爲常八年命涿州刺史
兼提點山陵每以朔望致祭朔則用素望則用肉仍以
明年正月爲首章宗泰和三年諸親王公主每歲寒食
十月朔聽謁輿裕二陵

明太祖洪武元年三月遣官祭仁祖陵二年定熙祖陵
每歲冬至正旦以三太牢致祭并望祭德祖懿祖二陵
清明中元孟冬及月朔望以三太牢本署官行禮仁祖
陵每歲冬至正旦以太牢俱署官行禮朔望以少牢中

都留守司官行禮成祖永樂後太祖陵每歲聖旦正日
孟冬忌辰酒果行香清明中元冬至太牢致祭特遣勳
舊大臣一員行禮南京各衙門文武官俱陪祭英宗正
統十年謁三陵命百官具淺色衣服如洪武永樂制世
宗嘉靖十四年帝諭禮部尚書夏言清明節旣遣官上
陵內殿復祭似涉煩複言因言我朝以清明中元冬至
凡三上陵但中元俗節事本不經冬至旣行大報配天
之禮則陵事爲輕可罷冬至上陵而移中元於霜降惟
清明如舊蓋清明禮行於春所謂雨露旣濡君子履之
有怵惕之心者也霜降禮行於秋所謂霜露旣降君子
履之有悽愴之心者也二節旣遣官上陵則內殿之祭
可省遂著爲令穆宗隆慶二年春詣天壽山祭長陵質
明帝服青袍乘板輿至長陵門外降輿入至拜位上香
四拜獻帛爵訖復位亞獻終獻令執爵者代隨詣承陵
行禮是日遣官分祭六陵神宗萬厯間謁長永昭三陵
禮亦如之

欽定續通典

卷五十三

酉

太學

唐

五代

宋

遼

金

元

明

唐憲宗元和二年定生員額西京國子館生八十人太

學七十人四門三百人廣文六十人律館二十人書算館各十人東都國子館十人太學十五人四門五十人廣文十人律館十人書館三人算館二人武帝會昌五年公卿百官子弟及京畿內士人寄客修明經進士業者並隸名太學外州寄士人並隸名所在官學

後唐明宗天成三年正月申書門下奏伏以祭酒之資歷朝所貴爰從近代不重此官况屬聖明方勤庶政須宏雅道以振時風望令宰臣一員兼判國子祭酒敕令宰臣崔協兼判八月協奏請國子每年祇置監生二百

欽定續通典

卷五十三

五

員候解送至十月滿數爲定太學書生不得因此便取公牒輒免本戶差役又每年於二百人數內不繫時節有投名者先令學官考試其學業深淺方議收補姓名敕依

宋初國子監因周舊制增置學舍以應蔭子孫隸學受業太祖開寶八年國子監上言生徒舊數七十人奉詔分習五經然繫籍者或久不至而在京進士諸科常赴講習肄業請以補監生之闕從之仁宗慶厯三年立四門學以士庶子弟爲生員又額置太學內舍生二百人

神宗熙寧元年增置一百人尋詔以九百人爲額四年
建講書堂及諸生齋舍掌事者直廬又增置直講十員
分生員爲三等始入學爲外舍額定七百人外舍升內
舍員二百內舍升上舍員百各執一經從所講官受學
元豐二年頒學令太學置八十齋齋各五楹容三十人
外舍生二千人內舍三百人上舍百人月一私試歲一
公試增學正爲五人學錄十人學錄參以學生爲之又
學制所言國子監以國子名而實未嘗教習國子乃詔
許清要官親戚入監爲國子生聽讀額二百人高宗紹
欽定續通典

卷五十三

六

興十三年始建太學置祭酒司業各一員博士三員正
錄各一員上舍生三十員內舍生百員外舍生五百七
十員尋又增至千員自外舍有月校而公試入等曰內
舍自內舍有月校而舍試入等曰上舍凡升上舍者皆
直赴廷對

遼上京國子監太祖置祭酒司業監丞主簿等官聖宗
統和十三年九月以南京太學生員浸多特賜水磴莊
一區道宗清寧元年十二月詔設學養士頒五經傳疏

置博士助教各一員

按遼五京各有學其規制無可考
始從遼史本紀及百官志輯入

金海陵天德三年始置國子監定詞賦經義生百人不
學生百人以宗室及外戚皇后大功以上親諸功臣及
三品以上官兄弟子孫年十五以上者入學不及十五
者入小學世宗大定間定五品以上官兄弟子孫百五
十人曾得府薦及終場人二百五十人凡四百人為太
學生三月一私試作策論詩賦又有女直國子學習本
國語言百人 大德八年定國子監學官日

元太宗六年以馮志常為國子學總教命侍臣子弟十
八人入學世祖至元七年命侍臣子弟十有一人入學

欽定續通典

卷五十三

七

二十四年立國子學設博士通掌學事分教三齋生員
設助教同掌學事專守一齋正錄申明規矩其生員之
數定二百人成宗大德八年定國子生蒙古色目漢人
三歲各貢一人十年定蒙古色目漢人生員一百人三
年各貢二人武宗至大四年定生員額三百人立國子
學試貢法蒙古授官六品色目正七品漢人從七品仁
宗延祐二年增置生員百人陪堂生二十人用集賢學
士趙孟頫禮部尚書元明善等所議貢試之法更定之

一曰陞齋等第

六齋東西相向上兩齋左日時習右日
日新中兩齋左日據德右日志道下兩

齊左日游藝右日依仁每季考其所習以次遞陞

二曰私試規矩私試五月試經疑一道仲

月試經義一道季月試策問表章詔誥內科一道辭理俱優為上等準一分理優辭平為中等準半分每歲通

計積至八分以上者充高等生員以四十名為額內蒙古色目各十名漢人二十名

三曰黜罰科條應私試積分生員不事課業違戾規矩初犯罰一分再犯罰二分三犯除名應已補高等生員違戾規矩

初犯殿試一年再犯除名泰定帝泰定三年更積分為貢舉並依世

祖舊制

明太祖洪武元年設國子學令品官子弟及民俊秀通

文義者並充學生後改學為監設祭酒司業等官分六

堂以館諸生日率性日修道日誠心日正義日崇志日廣業成祖永樂元年設

欽定續通典

卷五十三

太

北京國子監十八年遷都乃以京師國子監為南京國

子監六堂諸生仿元制行積分法命司業二員分為左

右各提調三堂宣宗宣德八年命禮部尚書胡濙與大

學士楊士奇等選副榜舉人入監孝宗宏治中准南京

祭酒章懋奏請行選貢之法令提學考選諸生學行兼

優年力富強者充貢世宗嘉靖元年令公侯伯未經任

事年三十以下者送監讀書尋已任者亦送監其例監

之始自景泰初以邊事孔棘其後或歲荒或邊警或大

興工作率援例行之矣

郡縣學

後魏明

唐五代

宋

遼

金

元

臣等謹按杜佑通典太學後載諸侯立學一條而所輯祇後漢東晉一二事殊未該備且自漢以來封建久廢安得所謂侯國之學哉今哀集郡縣立學自六朝以訖元明凡規制沿革之可考證者俱著於篇而條教試補諸目則仍從大畧云

後魏顯祖天安初立鄉學郡置博士二人助教二人學生六十人後令大郡立博士二人助教四人學生百人次郡立博士二人助教四人學生八十人中郡博士一人助教二人學生六十人下郡立博士一人助教二人學生四十人

欽定續通典 卷五十三

五

唐高祖武德七年詔諸州縣及鄉並令置學有明一經以上者有司試策加階元宗開元二十六年正月敕古者鄉有序黨有塾將以宏長儒教誘進學徒化民成俗率由於是其天下州縣每鄉之內里別各置一學仍擇師資令其教授

後唐明宗天成三年宰臣兼判國子祭酒崔協奏請頒下諸道州府各置官學如有鄉黨備諸文行可舉者錄

其事實申監司方與解送但一身就業不得影庇門戶
宋仁宗卽位命藩輔皆得立學慶厯四年詔曰儒者通
天地人之理明古今治亂之原可謂博矣然學者不得
騁其說而有司務先聲病章句以拘牽之則吾豪雋奇
偉之士何以奮焉士以純明朴茂之美而無敬學養成
之法使與不肖並進則夫懿德敏行何以見焉此取士
之甚敝而學者自以爲患夫遇人以薄者不可責其厚
也今朕建學興善以尊子大夫之行更制革敝以盡學
者之才有司其務嚴訓導精察舉以稱朕意學者其進

德修業無失其時其令州若縣皆立學本道使者選部
屬官爲教授員不足取於鄉里宿學有道業者由是州
郡奉詔興學而士有所勸神宗熙寧四年詔置京東西
河東北陝西五路學以陸佃等爲諸州學官仍令中書
採訪逐路有經術行誼者各三五人雖未仕亦給簿尉
俸使權教授他路州軍命近日選薦京朝官有學行可
爲人師者堂除逐路官令兼所任州教授州給田十頃
爲學糧仍置小學教授哲宗元符三年初令諸州行三
舍法考選升補悉如太學高宗紹興三年詔淮西路州

縣教授並行減罷命遂州有出身官兼攝學對未興
遼黃龍府興中府俱設府學西京上京東京諸道各立
州學

金世宗大定十六年置府學十七處共千人以嘗與廷
試及宗室皇家祖免以上親并得解舉人爲之後增州
學遂加以五品以上官曾任隨朝大品官之兄弟子孫
餘官之兄弟子孫經府薦者同境內舉人試補三之一
凡試補學生以提舉學校官主之二十九年戶部尚書
鄧儼等議計州府戶口增養士之數於大定舊制京府
欽定續通典 卷五十三 三

十七處千人之外置節鎮防禦刺史州學六十處增養
千人各設教授一員府學二十四學生九百五人節鎮
學三十九六百十五人防禦州學二十一二百三十五
人凡千八百人

元世祖中統二年始命置諸路學校官凡諸生進業者
嚴加訓誨務使成材以備選用至元十九年命雲南諸
路皆建學

明太祖洪武二年前上諭中書省臣曰治國以教化爲先
教化以學校爲本京師雖有太學而天下學校未興宜

令郡縣皆立學校延師儒授生徒講論聖道使人日漸
月化以復先王之舊於是大建學校府設教授州設學
正縣設教諭各一俱設以導府四州三縣五生員之數
府學四十人州縣以次減十後又命增廣不拘額數宣
宗宣德中定增廣之額尋又於額外增取附於諸生之
末謂之附學生員凡初入學者止謂之附學而廩膳增
廣以歲科試等第高者充補焉又於講論堂畫周思誠

釋奠

唐

五代

宋

遼

金

元

宣明

洪武

唐代宗永泰二年二月上丁釋奠於國學賜宰臣百官

欽定續通典

卷五十三

三

殮錢八月丁亥國子監釋奠復用牲牢

肅宗上元二年詔諸祠獻熟至

是從魚朝恩請復用舊制

宰相常參官軍將盡會於講堂京兆府置

食講論觀軍容使魚朝恩說易又於講論堂畫周易鏡

圖德宗貞元二年二月丁卯有司釋奠於文宣王廟自

宰臣下畢集於國學學官升講座陳五經大旨先聖之

道九年季冬貢舉人謁先師日與親享廟同有司言上

丁釋奠與大祀同卽用中丁乃更用日謁於學十五年

膳部郎中歸崇敬奏每年春秋釋奠祝版御署訖北面

而揖其禮太重按大戴禮師尚父授武王丹書東面受

之請參酌輕重庶得其中

後唐明宗長興元年尚書比部員外郎知制誥崔悅奏
臣伏見開元五年敕每年貢舉人見訖宜引就國子監
謁先聖先師學者謂之開講質疑義所司設食其日清

晨

按五代會要作其日清資官與通考互異

五品以上併朝集使並往觀禮

永爲常式自經多故其禮久廢請再舉行從之三年國
子博士蔡同文奏伏見每年春秋二仲月上丁釋奠於
文宣王以充公顏子配座以閔子騫等爲十哲排祭奠
其有七十二賢圖形於四壁面前皆無酒脯自今後乞

欽定續通典

卷五十三

三

准本朝舊規四壁畫像前各設一豆一爵中書帖太常
禮院詳檢郊祀錄文宣王從祀諸座每位設籩二豆二
簠簋各一爵一無一豆一爵之儀自此每釋奠宜准郊
祀錄各陳脯醢等物以祭

宋太祖建隆中凡三幸國子監謁文宣王廟開寶通禮
諸州釋奠並刺史致齋三日從祭之官齋於公館祭日
刺史爲初獻上佐爲亞獻博士爲終獻真宗大中祥符
三年判國子監孫奭言上丁釋奠舊禮以祭酒司業博
士充三獻官新禮以三公行事近歲止命獻官兩員臨

時通攝未副崇祀向學之意望自今備差太尉太常光祿卿以充三獻是年六月命崇文院刊釋奠儀注及祭

器圖頒之諸路

太常禮院定州縣釋奠器數先聖先師每座酒尊一尊加勺罍置于坩籩豆各

八籩籩各二俎三罍一洗一篚一巾共二燭二從祀諸座各籩二豆二一盤籩各一俎一燭一爵一

仁宗

景祐元年詔釋奠用登歌慶歷四年五月帝幸國子監

謁孔子有司言舊儀止肅揖帝特再拜神宗熙寧五年

國子監言舊例遇貢舉歲禮部貢院集諸州府所貢第

一人謁奠先聖如春秋釋奠儀按春秋自有釋奠禮請

罷貢舉人謁奠從之哲宗元祐六年幸太學先詣至聖

欽定續通典

卷五十三

吉

文宣王殿行釋奠禮一獻再拜徽宗大觀初大司成強

淵明言考之禮經士始入學有釋菜之儀請自今每歲

貢士始入辟雍而以元日釋菜于先聖其儀獻官一員

以丞或博士分奠官八員以博士正錄大祝一員以正

錄前釋菜一日應祀官赴學各宿其次至日詣文宣王

殿常服行禮貢士初入學者陪位於庭他亦畧倣釋奠

之儀高宗紹興十年用王普請以釋奠文宣王爲大祀

加籩豆十二其禮如社稷又在京爲大祀州縣爲中祀

孝宗乾道八年宰相請討論上丁釋奠及太子入學之

儀帝曰文王世子篇載此甚詳令有司討論以聞光宗
紹熙元年知漳州朱熹條上釋奠禮儀數事後不果行
理宗景定二年詔皇太子謁孔子於太學手詔畧曰虎
門齒胄太子事也此禮廢久矣如釋奠舍菜之事我朝
未嘗廢也然尊師敬道又不可拘舊制令太子謁拜焉
度宗咸淳三年正月戊申帝詣太學行舍菜禮禮部尚
書陳宗禮國子祭酒陳宜中進讀中庸越日宗禮宜中
各進一秩宜中賜紫章服諸齋長諭及起居學生推恩
有差

欽定續通典

卷五十三

三

遼太祖神冊三年詔建孔子廟命皇太子春秋釋奠四
年秋八月謁孔子廟道宗清寧六年中京置國子監命
以時祭先聖先師

金熙宗皇統元年二月上親祭孔子廟北面再拜世宗

大定十四年禮官參酌唐開元禮定擬釋奠儀數

文宣王充

國公鄒國公每位籩豆各十犧尊一象尊一盞簋各二
俎二祝版各一皆設案從祀先賢先儒每位籩一豆一
爵一兩廡各設象尊二尊皆有坩章宗承安二年春上親祀以親王攝

亞獻終獻皇族陪祀文武羣臣助奠其諸州釋奠並遵

唐儀

元太祖置宣聖廟于燕京世祖中統二年六月詔宣聖廟及管內書院有司歲時致祭月朔釋奠八月丁酉命開平守臣釋奠于宣聖廟至元十年二月中書省命春秋釋奠執事官各公服如其品陪位諸儒襴衫唐巾行禮成宗大德六年詔建文宣王廟于京師十年八月丁巳行釋奠禮牲用太牢樂用登歌製法服三襲武宗至大二年正月定制大成至聖文宣王春秋二丁釋奠用太牢

明太祖洪武元年二月丁未以太牢祀先師孔子於國學又定制每歲春秋上丁皇帝降香遣官祀於國學以丞漙初獻翰林學士亞獻國子祭酒終獻四年禮部奏定儀物改初制籩豆之八爲十又令進士釋褐詣國學行釋菜禮十五年太學落成帝親詣釋奠詔天下通祀孔子并頒釋奠儀注凡府州縣學籩豆以八器物牲牢皆殺於國學三獻禮同十哲兩廡一獻其祭各以正官行之十七年敕每月朔望祭酒以下行釋菜禮郡縣長以下詣學行香成祖永樂四年三月朔帝幸學釋奠於

先師孔子十九年北京國子監既定其南監春祭命祭

酒行禮稱皇帝謹遣憲宗成化十二年從祭酒周洪謨
言增樂舞爲八佾籩豆各十二二十二年二月朔當釋
菜值上丁令以次日釋菜孝宗宏治九年增樂舞爲七
十二人如天子之制武宗正德元年三月釋奠於先師
孔子世宗嘉靖九年令南京國子監遵國初舊制十籩
十豆天下各學八籩八豆樂舞止六佾十年以釐正祀
典服皮弁謁廟用特奠帛行釋奠禮迎神送神各再拜
樂三奏文舞六佾

祀先代帝王

名臣附

唐 宋

金

元

明

欽定續通典

卷五十三

七

唐元宗天寶九年立周武王漢高祖廟于京城代宗大
曆五年鄜坊節度使上言坊州軒轅皇帝陵闕請置廟
四時列於祀典昭宗乾寧四年建漢昭烈帝廟于涿州
西南樓桑村

宋太祖乾德元年詔歷代帝王國有常享五代亂離百
司廢墜置神乏祀闕孰甚焉案祀令先代帝王每三年
一享以仲春之月牲用太牢祀官以本州長官有故以
上佐行事官造祭器送諸陵廟又詔先代帝王載在祀
典或廟貌猶在久廢牲率或陵墓雖存不禁樵採其太

昊炎帝黃帝高辛唐堯虞舜夏禹成湯周文王武王漢高帝光武唐高祖太宗各置守陵五戶歲春秋祠以太牢商中宗太戊高宗武丁周成王康王漢文帝宣帝魏太祖晉武帝後周太祖隋高祖各置三戶歲一享以太牢秦始皇帝漢景帝武帝明帝章帝魏文帝後魏孝文帝唐元宗肅宗憲宗宣宗梁太祖後唐莊宗明宗晉高祖各置守陵兩戶三年一祭以太牢其餘諸陵禁樵採開寶三年詔有司詳定前代功臣烈士勲業優劣第爲三等孫贖等各置守塚三戶趙簡子等各兩戶悉蠲其

欽定續通典

卷五十三

三

役慕容德等禁樵採

按明臣丘濬曰宋開寶時有司所品第前代功臣烈士皆據其有塚

墓存者爾歷代勲德之名固不止此且其所品第者乃一人之見非萬世公論也並據馬氏通考輯具大畧其姓名不復備載真宗大中祥符元年加諡太公望昭烈武成王

建廟青州周公旦追諡文憲王建廟兗州春秋委本州

長吏致祭四年祀汾陰駐蹕河中府遣官致祭緣路帝

王祠廟並加葺治令衡州葺神農廟六年詔諸州有黃

帝祠廟並加崇葺神宗元豐四年承議郎吳處厚言程

嬰公孫杵臼保全趙孤乞加封爵詔河東河北漕臣訪

其祠墓並追封侯爵立祠墓側載之祀典哲宗元祐六

年詔相州商王河直甲冑沂州顏真卿墓並載祀典高宗紹興元年命祠禹于越州及祠越王勾踐以范蠡配十一年從中書舍人朱翌言晉韓厥與程嬰公孫杵臼並享春秋之祀立祚德廟致祭後並改與公爵升爲中祀孝宗淳熙十四年詔衡州葺炎帝陵廟

金制前代帝王三年一祭以仲春之月祭伏羲於陳州神農於亳州軒轅於坊州少昊於兗州顓頊於開州高辛於歸德府陶唐於平陽府虞舜夏禹成湯於河中府周文王武王於京兆府晉宗泰和三年尚書省奏太常欽定續通典

卷五十三

三

寺言開元禮祭帝嚳堯舜禹湯文武漢祖祝版請御署開寶禮羲軒顓頊帝嚳陶唐女媧成湯文武請御署自漢高祖以下不署敕命依期降祝版而不請署

元世祖中統四年建帝堯廟於平陽至元元年龍門禹廟成命侍臣持香致敬有祝文十二年立伏羲女媧舜湯等廟於河中解州洪洞趙城十五年修會川縣盤古皇祠祀之二十四年敕春秋二仲丙日祀帝堯廟成宗元貞元年初命郡縣通祀三皇如宣聖釋奠禮太皞氏以勾芒配炎帝氏以祝融配軒轅氏以風后力牧配軒

轅臣俞跗以下十人從祀兩廡有司春秋行事泰定帝致和元年太常議祀舜禹廟合依堯祠故事每歲春秋仲月上旬卜日有司蠲潔致祭官給祭物文宗天厯二年以岐陽周公廟爲書院設學官春秋釋奠周文憲王如孔子廟儀至順元年命湯陰縣北故羨里城周文王廟有司奉祠如故事

明太祖洪武三年遣使訪先代陵寢仍命各行省具圖以進凡七十有九禮官考其功德昭著者凡三十有六各製袞冕函香幣遣秘書監丞陶誼等往修祀禮親製

欽定續通典

卷五十三

三

祝文遣之六年帝以五帝三王及漢唐宋創業之君俱宜於京師立廟致祭遂建歷代帝王廟於欽天山之陽爲正殿五室中一室三皇東一室五帝西一室夏禹商湯周文王又東一室周武王漢光武唐太宗又西一室漢高祖唐高祖宋太祖元世祖每歲春秋仲月上旬甲日致祭已而以周文王終守臣服唐高祖由太宗得天下遂寢其祀增祀隋高祖未幾復罷九年遣官省歷代帝王陵寢禁芻牧置守陵戶三歲一傳制遣道士奉香詣諸陵令有司致祭二十一年令每歲郊祀附祭歷代

帝王於大祀殿仍以歲八月中旬擇日遣官祭於本廟其春祭停之又定每三年遣祭各陵之歲則停廟祭是年詔以歷代名臣從祀於東西廡定風后力牧臯陶夔龍伯夷伯益伊尹傅說周公旦召公奭太公望召虎方叔張良蕭何曹參陳平周勃鄧禹馮異諸葛亮房玄齡杜如晦李靖郭子儀李晟曹彬潘美韓世忠岳飛張浚穆呼哩博勒呼博勒珠齊拉袞巴延凡三十七人成祖遷都帝王廟遣南京太常寺官行禮世宗嘉靖九年罷歷代帝王南郊從祀建歷代帝王廟於都城西歲以仲

欽定續通典

卷五十三

三

春秋致祭并罷南京廟祭十年春二月廟未成躬祭歷代帝王於文華殿凡五壇丹陛東西名臣四壇禮部尚書李時言舊儀有賜福胙之文賜者自上而下之義惟郊廟社稷宜用歷代帝王止宜云答詔可二十四年以禮科陳棐言罷元世祖陵廟之祀及從祀穆呼哩等復遷唐太宗與宋太祖同室凡十五帝從祀名臣三十二人

其卷老君祠

宋

玩三明

等謹按杜佑通典載老君祠附以莊列等稱爲

帝

臣

等謹按杜佑通典載老君祠附以莊列等稱爲

先賢此時代所尚義固應爾然揆之古今通誼竊以爲過至宋鄭樵撰述通志仍而弗改尤爲失之今仿杜氏體例纂集宋以來老君祠附以莊列諸人其先賢名目則謹從刪削云

宋真宗大中祥符七月正月帝如亳州謁老子於太清宮奉上太上老君混元上德皇帝加號冊寶夜漏上五刻天書扶持使奉天書赴太清宮二鼓帝乘玉輅駐大次三鼓奉天書升殿行朝謁之禮相王元偃爲亞獻榮王元儼爲終獻帝還大次太尉奉冊寶於玉匱纏以金欽定續通典

卷五十三

三

繩封以金泥印以受命之寶納於醮壇石匱將作監加石蓋其上羣臣稱賀於大次

元順帝至元三年加封文始尹真人爲無上太初博文女始真君徐甲爲垂元感聖慈化德御真君庚桑子洞靈感化超蹈混然真君文子通玄光暢昇元敏誘真君列子冲虛至德遁世遊樂真君莊子南華至極雄文宏道真君

明世宗嘉靖時於西苑建大高元殿奉玉皇及三清像

欽定續通典卷五十三

欽定續通典卷五十四

禮吉

孔子祠

先儒及弟子附

唐

五代

宋

金

唐德宗建中三年以文宣王裔孫為兗州司馬襲文宣

王後憲宗武宗並有是命

周太祖廣順二年六月親幸曲阜謁孔子廟拜奠致敬

既畢其所奠金花銀爐十數事留於祠所以備享祀遂

幸孔林拜孔子墓以孔子裔孫前曲阜縣令孔仁玉復

為曲阜縣令仍賜緋魚袋以亞聖顏淵裔孫顏涉為縣

欽定續通典

卷五十四

一

主簿仍敕修葺祠宇墓側禁樵採

宋真宗大中祥符元年十一月帝幸曲阜備禮謁文宣

王廟內外設黃麾仗孔氏宗屬並陪位帝服鞞袍行酌

獻禮命官分奠七十二弟子及先儒初有司定儀肅揖

帝特展拜以表嚴師崇儒之意復幸孔林以樹擁道降

輿乘馬至墓所設奠再拜詔追諡曰元聖文宣王

五年以國

諱改元聖為至聖

祝文進署祭以太牢修飾祠宇給便近十戶

奉塋廟仍追封叔梁紇為齊國公二年詔追封十哲為

公七十二弟子為侯先儒為伯或贈官

顏回兗國公閔損瓊瑯公冉耕

東平公冉雍下邳公宰子臨淄公端木賜黎陽公冉求
彭城公仲由河內公言偃丹陽公卜商河東公會參瑕
邱侯顛孫師宛邱侯澹臺滅明金鄉侯宓不齊單父侯
原憲任城侯公冶長高密侯南宮綰龔邱侯公皙哀北
海侯曾黠萊蕪侯顏無繇曲阜侯商瞿須昌侯高柴共
城侯漆雕開平輿侯公伯寮壽張侯司馬耕楚邱侯樊
須益都侯公西赤鉅野侯有若平陰侯巫馬期東阿侯
陳亢南頓侯梁鱣千乘侯顏幸陽穀侯冉孺臨沂侯冉
季諸城侯伯虔洙陽侯公孫龍枝江侯秦冉新息侯秦
祖鄆城侯漆雕哆濮陽侯顏高雷澤侯漆雕徒父高苑
侯壤駟赤上邽侯林放長山侯商澤鄒平侯石作蜀成
紀侯任不齊當陽侯申棖文登侯公良孺牟平侯曹卣
上蔡侯奚容蒧濟陽侯句井疆滄陽侯申黨淄川侯公
祖句茲卽墨侯榮旆厥次侯縣成武城侯左人邾南華
侯燕伋汧源侯鄭國胸山侯秦非華亭侯施之常臨濮
侯顏曾濟陰侯步叔乘博昌侯顏之僕宛句侯蘧瑗內
黃侯叔仲會博平侯顏何堂邑侯狄黑林慮侯邾異高
堂侯孔忠鄆城侯公西輿如臨胸侯公西蒧徐城侯琴

欽定續通典

卷五十四

二

張頓邱侯左邱明瑕邱伯公羊高臨淄伯穀梁赤龔邱
伯伏勝乘氏伯高堂生萊蕪伯戴聖楚邱伯毛萇樂壽
伯孔安國曲阜伯劉向彭城伯鄭衆中牟伯杜子春緱
氏伯馬融扶風伯盧植良鄉伯鄭康成高密伯服虔榮
陽伯賈逵岐陽伯何休任城伯王肅贈司親製元聖文
空王弼偃師伯杜預贈司徒范甯新野伯

宣王贊命宰相等撰顏子以下贊天禧五年以文宣王

裔孫襲封文宣公仁宗至和二年封孔子後爲衍聖公

神宗元豐六年封孟軻爲鄒國公七年以孟子配食文

宣王封荀况揚雄韓愈爲伯並從祀荀况蘭陵伯揚雄成都伯韓愈昌黎

伯元祐初命孔子後子孫襲封奉聖公專主祠事增賜

田百頃供祭祀徽宗崇寧元年封孔鯉泗水侯孔伋沂

水侯大觀二年繪子思像從祀于左邱明二十四賢之

間議禮局言孔子弟子唐會要七十七人開元禮止七

十二人又去取不一本朝議臣斷以七十二子之說取

琴張等五人而去公夏首等十人今以家語史記參定

公夏首杜典作守后處公肩定顏祖鄭單罕父黑秦商原亢

樂欬廉潔唐會要開元禮亦互見之皆有伯爵載於祀

典請追贈侯爵使預祭從之封公夏首鉅平侯后處膠東侯公肩定梁父侯顏祖

富陽侯鄭單聊城侯罕父黑祁鄉侯秦商馮翊侯原亢

樂平侯樂欬建成侯廉潔胖城侯又改封曾參武城侯

顓孫師潁川侯南宮縚汝陽侯司馬耕睢陽侯琴張陽

平侯左邱明中都伯穀梁赤睢陵伯戴聖考城伯以所

欽定續通典

卷五十四

三

封犯先聖諱故也政和三年詔封王安石舒王配享王雱臨川

伯從祀五年從太常寺請以樂正子配享兖州鄒縣孟

子廟公孫丑以下從祀並加封爵樂正子克利闕侯公孫丑壽光伯萬章傅

與伯浩生不害東阿伯孟仲子新泰伯陳臻蓬萊伯充

虞昌樂伯屋廬連奉符伯徐辟仙源伯陳代沂水伯彭

更雷澤伯公都子平陰伯戚邱蒙須城伯高子泗水伯

桃應膠水伯益成括萊陽伯季孫豐城伯子叔承陽伯

欽宗靖康元年右諫議大夫楊時言王安石學術之謬

請追奪王爵毀配享之像詔降為從祀孝宗淳熙四年

罷王雱從祀理宗淳祐元年以周敦頤封汝南伯張載封郿伯

程顥封河陽伯程頤封伊陽伯朱熹封徽國公從祀黜王安石景定二

年以張栻封華陽伯呂祖謙封開封伯從祀度宗咸淳三年詔封

曾參鄒國公孔伋沂國公配享先聖封顓孫師陳國公

升十哲位復以邵雍封新安伯司馬光從祀其位堯國公

國公沂國公鄒國公居正位之東面西向北上為配位

十哲居殿上分東西向北上為從祀東廡檐臺滅明以

下五十二人並西向西廡密不齊以下五十二人並東

向按高宗紹興八年六月以衍聖公孔玠渡江隔絕林廟詔衢州於官田內撥給五頃以奉先聖祀事後玠

子孫俱襲封于衢至元始罷

金熙宗天眷三年以孔子裔孫襲封衍聖公奉孔子後

欽定續通典 卷五十四 四

世宗大定十六年詔立兗州學闕里廟宅子孫年十二

以上入學者不限數二十年特授襲封衍聖公為曲阜

令封爵如故章宗明昌六年增修曲阜宣聖廟工畢賜

衍聖公以下三獻法服及登歌樂一部仍遣太常舊工

往教孔氏子弟以備祭禮承安二年加封從祀諸賢舊

為公者升國公侯升國侯伯皆升侯

元太宗五年六月詔以孔子裔孫襲封衍聖公十二月

敕修孔子廟成宗大德十一年武宗即位詔曰蓋聞先

孔子而聖者非孔子無以明後孔子而聖者非孔子無

以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號爲大成至聖文宣王遣使闕里祀以太牢仁宗皇慶二年以宋儒周敦頤程顥弟頤張載邵雍司馬光朱熹張栻呂祖謙及故中書左丞許衡從祀孔子廟庭延祐六年追封周敦頤爲道國公又封遽瑗爲內黃侯從祀孔子文宗至順元年七月加封孔子父叔梁紇爲啟聖王加封顏子復聖公會子宗聖公子思述聖公孟子亞聖公程顥豫國公程頤洛國公十一月以董仲

欽定續通典

卷五十四

五

舒從祀位列七十二子之下順帝元統二年改封顏子考妣又割益都鄒縣牧地三十頃徵其歲入以給常祀至正二十二年禮部定擬楊時李侂胡安國蔡沈真德秀封爵諡號俱贈太師從祀孔子廟庭

封楊時吳國公李侂越國公胡

安國楚國公蔡沈建國公真德秀福國公又改封朱熹爲齊國公

明太祖洪武二年遣官降香致祭曲阜孔子廟御製祝

文衍聖公襲封及授曲阜令並如前代制三年令曲阜

廟庭歲官給牲幣俾衍聖公供祀事七年修曲阜廟庭

設孔顏孟三氏學二十九年黜揚雄從祀進董仲舒英

宗正統八年追封元吳澄爲臨川郡公從祀世宗嘉靖九年更正孔廟祀典定孔子諡號曰至聖先師孔子凡及門弟子皆稱先賢餘並稱先儒盡去公侯伯爵號屏撤塑像改製木主仍擬大小尺寸著爲定式穆宗隆慶五年以薛瑄從祀神宗萬厯中以羅從彥李侗從祀尋又以陳獻章胡居仁王守仁從祀

太公廟

唐

五代

宋

金

元

明

唐德宗建中三年從禮儀使顏真卿奏武成王廟如月令春秋釋奠用諸侯之數樂奏軒縣又詔史館考定可欽定續通典

卷五十四

六

配享者列古今名將凡六十四人圖形焉貞元二年刑部尚書關播奏太公古稱大賢乃置亞聖配享義有未安又仲尼十哲皆當時弟子今以異時名將列之非類也請但用古今名將配享去亞聖十哲之號自是惟享武成王及留侯而諸將不復祭

按杜典載唐立太公廟事至貞元四年兵部侍郎李紆奏止顏真卿關播疏請在前俱未載入今據禮樂志補輯

梁改武成爲武明王廢從祀

後唐明宗長興三年太常禮院准國子博士蔡同文奏請武成王廟四壁從祀諸英賢各設籩豆三簋盞各

一爵
周世宗顯德五年詔春秋上戊釋奠武成王廟每祭差
上將軍將軍充三獻官

宋太祖建隆三年詔修武成王廟與國學相對仍令檢
閱唐末以來謀臣名將勳績尤著者以聞四年帝幸武
成廟歷觀圖壁指白起像曰此人殺已降不武之甚何
受享於此命去之真宗大中祥符元年加諡太公爲昭
烈武成王神宗元豐間國子司業朱服言釋奠武成王
舊以武學隸樞密院且學官員數少故初獻以祭酒司

欽定續通典

卷五十四

七

業而亞獻終獻及讀祝捧幣皆令三班院差使臣充今
武學隸國子監長貳丞簿官屬已多請並以本監官充
攝行事仍令太常寺修入祀儀徽宗宣和五年禮部請
加武成王從祀諸人封爵自張良管仲而下凡七十二
將擬孔廟七十二賢子釋奠日祀之高宗紹興十一年
國子監丞林保奏竊見昭烈武成王享以酒脯不用牲
牢非所以右武而勵將士乞今後上戊釋奠用牲牢從

之
金章宗泰和六年建昭烈武成王廟於闕庭之右麗澤

門內其制一遵唐禘禮祀用春秋仲月上戊儀用中祀
元制武成王廟立于樞密院公堂之西以孫武子張良
等十人從祀每歲春秋仲月上戊以羊一豕一犧尊象
尊籩豆俎爵樞密院遣官行三獻禮

明太祖洪武初禮部奏請立武學如前代故事建武成
王廟帝曰立武學是分文武爲二輕天下無全才矣三
代以上文武兼備用無不宜如太公之鷹揚而授丹書
仲山甫之賦政而式古訓召虎之經營而陳文德豈比
後世武學止講韜畧不事經書專習干戈不聞俎豆拘
欽定續通典

卷五十四

八

於一藝偏長哉今建武學又立武成王廟是近世之陋
規也太公宜從祀帝王廟其武成王廟罷之遂爲制

臣等謹按古之聖賢未有不知兵者孔子曰我戰

則克知用兵特聖人盛德大業中之一事未可以

與太學並也自戰國時以太公爲兵家之祖後遂

有大韜三畧之書流傳於世其言頗涉淺鄙如晉

乘楚構杙之類爲後人妄作無疑至唐時建武成

廟以古來名將配享從祀宋因之設武學遂與太

學頡頏實爲數百年來非禮之祀且以太公專主

武學似其所長在乎戰勝攻取疑無與于道德性命之故者其言兵已末而所以視太公者益淺事有重之而反輕人有尊之而反卑此類是也明世罷之當矣

巡狩 唐 五代 宋 遼 金 元 明

唐元宗開元二十年十月如潞州命中書門下慮所過囚赦潞州給復三年賜高年粟帛十一月如北都肆赦給復如潞州尋至汾陰大赦免供頓州今歲稅賜文武官階勳爵諸州侍老帛武德以來功臣三品以上一子

欽定續通典

卷五十四

九

官民醜三日

晉高祖天福二年十一月中書門下奏車駕巡幸所在州縣官人見在駕所祇承者賜會並同京官從之

宋因唐制車駕巡幸有告至肆覲考制度之儀太祖開寶九年春幸西京賜河南府民今年田租之半真宗朝諸陵所過賜巡警及行郵治道兵卒時復錢履父老綾袍茶帛途中賜衛士緡錢命有司籍所過繫囚逋負者日引對多原釋仍採訪民間疾苦賑恤鰥寡孤獨車服度量權衡有不如法則禁之有奇材異德政事尤異及

孝子順孫義夫節婦或不守廉隅昧子正理者並條析以聞咸平中車駕每出金吾將軍率士二百人執搨周繞謂之禁圍省方增二百人加執劍親王中書樞密宣徽行圍內餘官圍外

遼太宗天顯四年西巡駐蹕涼陞赦繫囚復如南京祠木葉山聖宗統和四年冬幸南京復都民今年租賦十三年正月幸延芳淀詔諸道勸農

金熙宗皇統中車駕如東京右諫議大夫程家上言古者天子巡狩省察風俗審理冤獄問民疾苦以宣布德

欽定續通典

卷五十四

十

澤今鑿輅省方將憲古行事願委之長貳釐整風俗或置匭篋以申冤枉或遣使郡國問民無告皆古巡狩之事也上嘉納之世宗大定元年十一月如中都詔中都都轉運使左淵曰凡宮殿張設毋得增置毋役一夫以擾百姓但謹圍禁嚴出入而已二十四年三月如上京四月次東京給復東京百里內夏秋稅租一年在城隨關年七十者補一官曲赦百里內犯徒二年以下罪

元世祖中統三年三月車駕幸開平

後升爲上都

詔減免民

間差發罷守隘諸軍秦蜀行省借民錢給軍以今年稅

賦償之免平陽太原軍站戶重科租稅四年二月幸上都八月自上都還自後歲以爲常成宗武宗以後俱如

之儀
明成祖永樂六年詔明年二月巡北京改定巡狩儀車駕將發奏告天地社稷太廟孝陵祭大江旛燾等神輒祭于承天門緣塗當祭者遣官祭將至北京設壇祭北京山川等神車駕至奏告天地祭境內山川晏羣臣耆老賜百官及命婦鈔所過郡縣官吏生員耆老朝見分遣廷臣考覈守令賢否卽加黜陟分命給事中監察御

欽定續通典

卷五十四

十一

史存問高年賜幣帛酒肉七年二月帝啟行命皇太子監國三月至北京御奉天殿受朝賀世宗嘉靖十八年帝幸承天所過望祭北嶽中嶽河瀆遣官祭濟瀆武當山至承天詣獻皇帝廟謁告越四日行告天禮奉獻皇帝配更服皮弁詣國社稷及山川壇行禮次日謁顯陵次日從駕官上表賀遂頒詔如儀回京親謝上帝皇祖皇考遣官告郊廟社稷羣神如初

宋

太宗太平興國八年突州父老及瑕邱等七縣民詣

闕請封禪上謙讓不允既而羣臣頌功德請封禪者不可勝計雍熙元年詔以十一月有事於泰山尋以乾元文明二殿災遂詔罷之真宗大中祥符元年兗州父老及諸道貢舉人二千餘人詣闕陳請封禪宰臣王旦又率百官諸軍將校州縣官吏番夷僧道父老二萬四千餘人五上表請詔今年十月有事於泰山命翰林太常禮院詳定儀注帝習儀於崇德殿十月戊子朔禁天下屠殺一月辛卯發京師帝自告廟卽蔬食並禁音樂丁未次奉高宮齋於穆清殿庚戌帝服通天冠絳紗袍乘

欽定續通典

卷五十四

三

法駕至山門幄次

山上置圓臺徑五丈高九尺四陞上飾以青四面如其方色一壇廣一丈

圍以青繩三周燎壇在其東南高丈二尺方一丈開上南出戶方六尺山下封祀壇四成十二陞如園丘制上飾以元四面如其方色外爲三壇燎壇如山上壇制社首壇入角三成入陞三壇四門如方丘制又爲瘞瘞于壬地外壇之內又以玉爲五牒各長尺二寸廣五寸厚一寸刻字而填以金聯以金繩緘以玉置置石礮中正座配位用玉冊六副每簡長一尺二寸廣一寸二分厚三分簡數量文多少置長一尺三寸檢長如匱厚二寸闊五寸纏金繩五周封以金泥印以受命寶用石礮藏之礮鑿中廣深足容玉匱又爲石檢十以擘礮金繩纏之石泥封之泥用石

改服鞞袍乘步輦登山鹵簿儀衛

列山下天門險峻人給橫板二長三尺許繫綵兩端施

於背膺選從卒推引而上衛士皆給釘鞵供奉馬止于

中路自山趾盤道至太平頂凡兩步一人綵繡相間樹當道者不伐止縈以繪每經陘險必降輦徒步是夕山

下罷警場明日設昊天上帝位於園臺奉天書於座左

是年正月有黃帛曳左承天門南鴟尾上帝命羣臣拜迎於朝元殿啟封號稱天書太祖太宗並

配西北側向帝服袞冕升臺奠獻悉去侍衛命官享五方帝及諸神於封祀壇上飲福酒攝中書令王旦跪稱

曰天賜皇帝太一神策周而復始永綏兆人三獻畢封

金玉匱王旦奉玉匱置於石礎攝太尉馮拯奉金匱以

降將作監領徒封礮帝登園臺閱視訖還御幄宰臣率

欽定續通典

卷五十四

三

從官稱賀山下傳呼萬歲聲動山谷壬子禪祭皇地祇于社首奉天書升壇以祖宗配癸丑御壽昌殿受朝賀大赦天下改乾封縣曰奉符縣徽宗政和六年時蔡京當國將講封禪以文太平預具金繩玉檢及他物甚備迄不能行

明成祖永樂十四年祠部郎中周訥請封禪尚書呂震

請如訥言帝曰今天下雖無事然水旱疾疫亦間有之

豈敢自謂太平之世且聖經未嘗言封禪唐太宗亦不

封禪魏徵每以堯舜望其君爾欲處朕於唐太宗之下

亦異於徵之愛君矣議遂不行

告禮 宋元明

臣等謹按告禮歷代相承唐宋以來巡狩封禪卽

位改元俱有告廟之文其制散見各條下今綜考

宋元明告禮每代各約舉一二事彙爲專條以符

杜佑通典之舊云

宋太宗雍熙四年詔以來年正月擇日行藉田禮所司
詳定儀注大禮使李昉言前典不載告禮今請前二日
告南郊太廟仁宗明道元年詔以來歲二月行藉田禮

欽定續通典

卷五十四

古

而罷冬至親郊遣官奏告天地宗廟諸陵景靈官州郡

就告嶽瀆官廟其禮一如端拱之制

端拱改元行藉田禮卽雍熙四年所

定而損益之徽宗時定五禮新儀凡命將出征太史擇

日造廟告官清齋行事先詣僖祖神位前以次詣翼官

諸祖室俱酌獻讀祝文若凱旋祭告惟陳俘馘及軍實

於南門之外其告禮並如儀寧宗慶元元年吏部員外

郎李謙曷言事莫重于登極禮莫急於告廟蓋卽位必

告廟示敬親也告廟必於歲首大其事也請來年正月

躬行告廟之禮詔下禮官討論

元武宗至大四年三月仁宗卽位四月戊申以卽位告
天地於南郊戊午告於太廟
明成祖永樂六年改定巡狩儀車駕將發奏告天地社
稷大廟孝陵世宗嘉靖十八年南巡先期帝親奏告皇
天於元極寶殿同日告聞皇祖太廟皇考睿宗廟遣官
分告北郊成祖列聖羣廟大社稷帝社稷朝日夕月天
神地祇用祭服太常寺備脯醢酒果翰林院撰告文

歷代所尚 宋

宋初有司上言國家受周禪周末德木生火則本朝運

欽定續通典

卷五十四

五

膺火德色當尚赤臘以戌日詔從之太宗雍熙元年布
衣趙垂慶上書言本朝當越五代而上承唐爲金德若
梁繼唐至本朝亦爲金德國初符瑞色白者不可勝紀
皆金德之應也望改正朔易車旗服色以承天統事下
尙書集議常侍徐鉉等議頃以唐末喪亂朱梁篡殺莊
宗早編屬籍親雪國仇中興唐祚重新土運以梁室比
羿浞王莽不爲正統自後相傳晉以金漢以水周以木
天造有宋運膺火德況國初祀赤帝爲感生帝于今二
十五年豈可輕議改易且五運迭遷親承歷數豈可越

數姓之上繼百年之運伏請祇守舊章以承天祐從之
真宗天禧時光祿寺丞謝絳言國家當黜五代紹唐之
土德以繼聖祖猶漢之黜秦興周之火德以繼堯大理
寺丞董行父又言宋當繼唐爲金德事下兩制議謂漢
雖堯之苗裔及序承正統乃越秦而繼周非用堯之行
今國家或用土德卽當越唐承隋彌以非順失其五德
傳襲之序若越五代而紹唐則晉漢及周成帝中夏太
祖受終周室豈可弗遵傳繼之序續於遐邇之統雍熙
中徐鉉等議之詳矣其謝絳董行父等所請難以施行
欽定續通典 卷五十四 七

詔可

斷享司寒

五代

宋

後唐明宗長興元年冬十月丁酉始藏冰

周太祖顯德元年詔築壇北郊以孟冬祭司寒其藏冰

開冰之祭俟冰室成卽行之

宋太祖建隆二年始置藏冰署修其祀常以四月以黑

牡祭於元冥神乃開冰以薦太廟太宗淳化三年秘書

監李至言按詩七月曰四之日獻羔祭韭周之四月今

之三月也月令獻羔開冰先薦寢廟詳其開冰之祭當

在春分帝命正其禮仁宗天聖新令春分開冰祭司寒於冰井務卜日薦冰於太廟季冬藏冰設祭亦如之神宗元豐中詳定禮文所言熙寧祀儀孟冬選吉日祭司寒春秋左氏傳曰古者日在北陸而藏冰西陸朝覲而出之其藏之也黑牡秬黍以享司寒其出之也桃弧棘矢以除其災古者享司寒惟以藏冰啟冰之日孟冬非有事於冰不應祭享今請惟季冬藏冰則享司寒牲用黑牡羊穀用黑秬黍仲春開冰則但用羔又孔穎達注月令曰啟冰唯獻羔桃弧棘矢以禳除凶邪非禮神之

欽定續通典

卷五十四

物當依孔氏說置於凌室之戶從之徽宗大觀四年議禮局言春秋左氏傳以少皞有四叔其一為元真杜預鄭元皆以元真為水官故歷代祀之為司寒則元真非天神矣今儀注享司寒禮畢燂燎是以祀天神之禮享人鬼也請罷燂燎而埋祝幣從之

按元明無司寒之祭明臣邱濬曰一歲之間必有春夏秋冬之時即有寒暑溫涼之氣冥冥之間必有神以司之古者各因其時而致其祭本朝於春秋二

時祭太歲及四時月將之神蓋以四時之首合于太歲四時之令分于月將其即古者祭時與寒暑之遺意歟

欽定續通典 宋 金 元 明

唐元宗天寶十三載秋太旱霖雨害稼六旬不止九月閉

坊市北門蓋井禁婦人入街市祭元真大社崇明德門
代宗大厯四年四月雨至於九月閉坊市北門置土臺
臺上立黃幡以祈晴

宋太祖太宗時凡京師水旱稍久帝親禱者則有建隆
觀大相國太平興國寺上清太乙宮甚則再幸或徹樂
減膳進蔬饌遣官禱者則天齊五龍城隍佛神四廟大
相國開寶報慈崇明崇夏五寺及建隆觀令開封祭九
龍浚溝黃溝子張子夏信陵君段干木扁鵲張儀吳起
單雄信廟至道後又于寺觀建道場復遣常參官詣岳

欽定續通典

卷五十四

文

瀆致祠真宗咸平後祈禱又增玉清昭應景靈宮祥源
觀太一宮高宗紹興後每祈水旱則迎天竺寺觀音入
城或明慶寺建道場或遣官就天竺祈禱端平三年以
霖雨害稼命近臣禱于天地宗廟社稷及宮觀嶽瀆等
處

金世宗大定十七年夏六月京畿久雨遵祈雨儀祈晴
命諸寺觀啟道場祈禱章宗明昌四年五月以久雨崇
六月丙辰以晴祭嶽鎮海瀆

元時凡遇淫雨不止祈禱山川岳瀆社稷宗廟或命西

僧致禱

三獻聖廟入謝各二十五步廣五丈六尺

明代凡水旱災傷或躬禱或露告于宮中及奉天殿陛
或遣官祭告郊廟陵寢及社稷山川無常儀英宗正統

四年以京畿水災祭告天地

禮部曰災輒動致因

太平高祿

宋金明

禮部曰災輒動致因

宋仁宗未有嗣景祐四年以殿中侍御史張奎請親祀
高祿詔有司詳定禮官以爲月令雖可據然周官闕其
文漢志郊祀不及祿祠惟枚舉傳言皇子祿祀而已後
漢至江左畧見其事而儀典委曲不可周知惟高齊祿

欽定續通典

卷五十四

五

祀最顯妃嬪參享黜而不蠲恐不足法唐明皇因舊月
令特存其事開元定禮以後不著朝廷必欲行之當築
壇於南郊春分日祀青帝本詩克禋以祓之義配以伏
犧帝嚳以禩神從祀依東漢晉隋之舊以石爲主牲用
太牢樂以升歌儀視先蠶有司攝事祝版具言天子求
嗣之意及以弓矢弓韜致神前祀已與胙酒進內以禮
所御使齋戒受之仍歲令有司申請俟旨命曰特祀詔
卽用其年春分遣官致祭爲圓壇高九尺廣二丈六尺
四出陛三壇陛廣五尺壇各二十五步青石主長三尺

八寸用木生成之數形準廟社主植壇上稍北露其首
三寸青玉青幣牲用牛一羊一豕一樂章祀儀並準青
帝樽器神位如句芒唯受福不飲回授中人爲異寶元
二年八月皇子生命輔臣報祀準春分儀惟不設弓矢
弓鞬著爲常祀慶厯三年太常博士余靖言皇嗣未廣
不設弓矢弓鞬非是詔仍如景祐之制嘉祐二年徙祿
壇於南郊壇東神宗元豐四年禮官言高祿壇迫狹按
祀儀青帝壇廣四丈高八尺今祀高祿旣用青帝爲主
其壇高廣請如青帝之制又言祀天以高祿配今郊祿
欽定續通典

卷五十四

五

壇祀青帝以伏羲高辛配復于壇下設高祿位殊爲爽
誤請準古郊祿改祀上帝以高祿配改伏羲高辛位爲
高祿而徹壇下之位詔改壇制其典禮如舊徽宗政和
時定五禮新儀春分祀高祿以簡狄姜嫄從配皇帝親
祠並如祈穀儀高宗紹興元年太常少卿趙子晝請以
來春復行高祿之祀從之十七年二月帝親祀高祿如
政和之儀

金章宗明昌六年二月尚書省臣奏行高祿

時帝未
有子築

壇於景風門外東南端當關之卯辰地與園丘東西相

望壇如北郊之制每歲以春分日祀青帝伏羲氏女媧氏凡三位壇上南向西上姜嫄簡狄位於壇之第二層東向北上每位羊豕各一有司攝三獻司徒行事禮畢進胙官備弓矢弓韉以進帝命后妃嬪御皆執弓矢東向而射以次飲福享胙

明初無祀高禘禮世宗嘉靖中始設木臺于皇城東永安門北震方壇上皇天上帝南向騂犢蒼璧奉獻皇帝配西向牛羊豕各一高禘在壇下西向牛羊豕各一禮三獻樂九奏舞八佾皇帝位壇下北向后妃嬪位壇南

欽定續通典

卷五十四

三

數十丈外北向用帷壇下陳弓矢弓韉如后妃嬪之數祭畢女官導后妃嬪至高禘前跪取弓矢授后妃嬪后妃嬪受而納於弓韉

諸雜祠及淫祠興廢

唐

五代

宋

遼

金

臣等謹按周禮大宗伯掌建邦之天神人鬼地示

之禮其不在祀典者概無致祀之文自秦漢以降

神祠遞興唐宋後尤為雜揉非出於流俗之傳聞

卽本於道書之附會封號既無定名崇奉亦無常

數杜典載雜祠淫祠析為二條今詳考唐以來諸

雜祠之尤著者具於篇而其興廢亦緣以見焉又
杜典載祈禳祓禳訖於宋齊皆唐以後禮志所不
錄今並從刪削云

唐元宗開元二年詔祠龍池石拾遺蔡孚獻龍池篇公
卿以下撰擬共一百三十篇詔太常寺考其詞合音律
者為龍池樂章十首又詔增置壇及祠堂每歲仲春將
祭則奏之肅宗至德二年道士李國正奏皇室仙系修
崇靈路請於昭應縣南置天華上官露臺天地婆父三
皇道君太古天皇中古伏羲媧皇等祠堂又於縣南扶
欽定續通考 卷五十四 三
谷故湫置祠並許之昭應令梁鎮上疏謂天地婆父祀
典無文言甚不經義無可取又湫者龍之窟也今湫竭
已久龍安所在何必崇飾祠宇豐潔薦奠其三皇五帝
則兩京及所都之處已建宮觀祠廟望並于本處依禮
齋祭祀可

後唐明宗天成二年幸白司馬坡祭突厥神

宋京城東舊有五龍池因唐禮歲以仲春祭之用中祀
禮又有德安公廟 祭夷門山神 崔府君廟 唐滄陽令 寧州普濟王

廟 祭要冊 鎮戎軍靈澤廟 祭朝那 鄭州靈顯王廟 俗傳李炳靖神

靈公廟

祭泰山三即

靈感廟

祭泰山玉女池

三水府神

祭馬當采石金山

杭

州吳山廟

祭濤神

明應公廟

祭潤州焦山

廣濟王廟

祭秦蜀守李冰

劍

州英顯王廟

祭梓潼神張亞子

梓州靈濟公廟

祭唐涪州刺史陸弼

荆亭

荆亭

亭

廟

祭荆亭湖中蛟

神宗元豐三年詔加號

江州廬山太平興國

觀九天採訪使者為應元保運真君徽宗崇寧元年用

方士魏漢津之說備百物之象鑄鼎九于中太一宮南

為殿奉安之各周以垣上施埤埤墁如方色外築垣環

之名曰九成宮中央曰帝甕其色黃祭以土王曰為大

祀幣用黃樂用宮架北方曰寶鼎其色黑

通考

祭以冬

白

祭以冬

白

至幣用阜東北曰牡鼎其色青

通考

祭以立春幣用阜

東方曰蒼鼎其色碧祭以春分幣用青東南曰岡鼎其

色綠祭以立夏幣用緋南方曰彤鼎其色紫祭以夏至

幣用緋西南曰阜鼎其色黑祭以立秋幣用白西方曰

晶

通考

鼎其色赤祭以秋分幣用白西北曰魁鼎其色

白祭以立冬幣用阜八鼎皆為中祀樂用登歌享用素

饌復於帝甕之宮立大角鼎星祠大觀三年詔以鑄鼎

之地作寶成宮總屋七十一區中置殿曰神靈以祀黃

帝東廡殿曰成功祀夏后氏西廡殿曰持盈祀周成王

帝

欽定續通典

卷五十四

重

重

重

重

重

至幣用阜東北曰牡鼎其色青

通考

祭以立春幣用阜

東方曰蒼鼎其色碧祭以春分幣用青東南曰岡鼎其

色綠祭以立夏幣用緋南方曰彤鼎其色紫祭以夏至

幣用緋西南曰阜鼎其色黑祭以立秋幣用白西方曰

晶

通考

鼎其色赤祭以秋分幣用白西北曰魁鼎其色

白祭以立冬幣用阜八鼎皆為中祀樂用登歌享用素

饌復於帝甕之宮立大角鼎星祠大觀三年詔以鑄鼎

之地作寶成宮總屋七十一區中置殿曰神靈以祀黃

帝東廡殿曰成功祀夏后氏西廡殿曰持盈祀周成王

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

帝東廡殿曰成功祀夏后氏西廡殿曰持盈祀周成王

帝

帝

帝

帝

帝

帝

及周公旦召公奭後置堂曰昭應祀唐李良及隱士嘉
成侯魏漢津又詔每歲八月二十七日舉祀事黃帝爲
大祀成功持盈三殿爲中祀昭應堂爲小祀並用素饌
四年詔天下五龍神皆封王爵政和元年詔開封府毀
淫祠一千三十八區仍禁軍民擅立神祠

按禮志作神宗熙寧中毀

淫祠若干此據本紀輯

遼太宗天顯三年四月祭麋鹿神景宗保寧三年十月

以黑白羊祀神七年五月祭神姑聖宗統和十六年五
月祭白馬神

欽定續通典

卷五十四

三

金世宗大定時封護國林神嘉蔭侯七月致祭盧溝河
神安平侯春秋二次加封黃河神昭應順濟聖后春秋
致祭章宗明昌時封旺國崖鎮安公瑪達哈山瑞聖公

章宗生於此

又立貞獻郡王廟祭葉嚕古紳

二人始製女直文字

元世祖至元十五年正月封磁州崔府君爲齊聖廣佑
王七月建漢祖天師正一祠於京城仁宗延祐七年四

月

時英宗已卽位

祭遁甲神於香山泰定帝泰定二年七月遣

使祀宅神於北部行幄又遣使祀龍虎武當二山文宗
天歷元年加封漢前將軍關羽爲顯靈義勇武安英濟

王遣官致祭順帝至元三年降香於乾虎三茅早閣諸

山

明北京有真武廟洪恩靈濟宮

祀徐溫子知證知謬

憲宗成化十

三年詔建漢壽亭侯廟

神宗萬歷時加封三界伏魔大帝神威遠鎮天尊

又鳳

陽有顯應廟

神莫知所自明初禱雨有應

滁州有豐山廟柏子潭廟

徐州靈源宏濟廟河平神廟平陽平水祠汾水靈澤廟

稱白彪山馬跑泉之神

沁州南山廟焦龍神廟龍泉神廟兖州青

山廟安平鎮顯惠等廟

孝宗宏治間改張秋為安平鎮建真武龍王天妃三廟賜額顯

惠嚴州烏龍廟

三月三日祀

宜春仰山廟

祀宜山二龍神

常德陽山

欽定續通典

卷五十四

五

廟

祭山神

沅山顯應廟

祭明山神

長沙洞庭廟

顯應廟

祀元人于法

福州靈濟宮廣州天妃廟南海真武廟

瓊州靈山廟

祀毘耶山之神

電白靈湫廟誠敬夫人祠

祭馮寶妻沈氏

皆終明之世有司歲時致祭不絕

欽定續通典卷五十四



